

محمد عامر التميمي

محمّد يوسف اللواتي

خير عاجل

هنا يوسف المورشي

خبر عاجل شعر باللهجة الليبية

متاح للتحميل ضمن مجموعة كبيرة من المطبوعات من صفحة

مكتبتي الخاصة

على موقع ارشيف الانترنت

الرابط

https://archive.org/details/@hassan_ibrahem

هنا يوسف المورشي

خبر عاجل

رقم الإيداع المحلي / 306 / 2014

الرقم الدولي : 8-8-68-839-9959-978

تصميم الغلاف : آمنه مليطان

الإهداء ..

إلى روح أخي الأصغر
الشهيد البطل
“حسن المغشوس”
أهدي قصائد هذا الديوان ..
محمد

هـسبإبرهفم (اللمبفبف)

مفام للففمفل ففمن مففموفة كبفرة من المطفبوعات من صففة
مكففبف الفصفة
على موقع ارشفف الانترنت
الرابط

https://archive.org/details/@hassan_ibrahem

نحمد ربي

محمد يوسف اللواتي

نحمد ربي ونشكر فضله
عالخير اللي عايش فيه
وراضي بحكم الله وعدله
عمري ورزقي بين ايديه
ربي لامعبود بدله
لانكفر لانشرك بيه
واللي فاقد فكره وعقله
وربي من باله ناسيه
صيوّره يندم عن فعله
ونار جهنم ترجى فيه

هـسإوسفف الللوسف

مفاح للففمفل ففمن مففموفة كبفرة من المطفبوعات من صففة

مكففنف الفصفة

على موقع ارشفف الانففرنف

الرابط

https://archive.org/details/@hassan_ibrahem

طعم الحياة

كيف العسل في ريتي
طعم الحياة ف وجودكم
ونسى أهومي وضيقي
ساعة إنفوح أورو دكم
وتسقط أوراق أيامي
وتذبل أزهور أحلامي
إن طال عنا أغيابكم
وراس الغلاء يا أحبابنا
ماعد عنا تبعدوا
إن كنا صحيح أحبابكم
وحق الوفاء يا أصحابنا
ماعد لحظة إتغيوا
إن كنا صحيح أصحابكم

صفاء النية

وين مالنوايا تصفى
وكل حد طمعه ينسى
وللخير ديمه يسعى
وعالموت مايسهى
الحمل الوديع
والطفل الرضيع
بين الديابه يغفى
وحتى الجليد
ما أيدوب وسط النار
وغصن الشجر
حتى يبس يخضار
ونار القلوب الفايره
تمسى رماد وتطفى
وإتحن ماتقسى
يا ريت نفهم أمتى
أمتى النوايا تصفى؟

هذا العشر

حتى إن قست لقسام
وحرمت عيوني شبحكم ولقاكم
مايقدرن ياغاليه ليام
إينسن إقليبي حبكم وغلاكم
وطيبة العشرة وودكم ووفاكم
إنت تعرفي راني إمعاك وفي
ما ف يوم راك هنتي علي
وبلخير ديمه جابده طرواكم
نبيك تعدلي بالقسط ف الأحكام
وتتذكري كيف كنت دوم امعاكم
وماشر مني صابكم لا جاكم
حكم القدر أنكونوا أصحاب وخوت
ياريت تبقوا كيف ماعرفناكم
هذا العشم فيكم

طيف أمي

كل ما قعدت بروحي
طيف مينتي إيقعمز أحداي أيجيني
تخطر عليا جروحي
بلا عزم تنزل دمعتي من عيني

* * *

مرة عقاب عشيّه
ريت طيفها عاتبتها بحنة
ليش ترحلي أبروحي أتخلي فيا
قالت أويك دزلي ييني

* * *

قالت صحيح سييتكم
وعنكم رحلت يا عويلتي وخليتكم
ولكن وراسك ما يوم راني انسيتم
وندعيلكم بالخير يا إظنييني
وقبل ما أيعدي طيفها
وتسقط أوراق خريفها
قبلتها وقتلتها ..
يا أم الصدير الدافي
الله يرحمك ياميتي يا أم القلب الصافي

يلي عليا ترعشي وتخافي
وحتى م النسمات غطيتيني
وكل ما خطرقي وطيفك إيطل إيجيني
بلا عزم تنزل دمعتي من عيني

* * *

أهم شي ماتزعلش

انريد نسألك
وأهم شي ما تزعلش
لأنك حبيبي والقلب هايم بيبك
انريد نشدك .. وأهم شي ما تعصبش
لأنك حياقي والروح بين أيديك
انريد نسألك .. ؟
جاويني
راني أنكلم فيك
خيرك سكتت
غير قولي ما بيبك
وضح كلامك يازين ما فهمتكش
أنا كل شي ليا ليك
انريد نسألك أهم شيء ما تزعلش
يا زين بنوصيك
أنريد نسألك
ونعاود
نبيك ما تزعلش
وطربان دوم أنريك
لا تقول ما وقضتك وعالشرط ما قتلكتش

وأصحي في يوم اتقوللي
راني زعلت عليك
أنريد نسألك وانقولك :
ما تزعلش .. ؟
لو خبرتهن صاحباتي
عللي بهرني بيك .. ؟
لو سمعتهن آهاتي
وعرفن بعشقي يا حبيبي ليك .. ؟
إن كان تزعل
أنخليه سري في قاع بير أقليبي
إن كان تزعل
أنخبه حي وما انزعلكش حبيبي
كيف أنزعلك
وأنت حبيبي .. وأنت اللي نهواه
وأنت طيبي ساعة أنقول الآه
وروحي وعمري أتهون في سباه
ولجلك حبيبي أندير ما يرضيك
أهم شئ ما تزعلش
إن خبرتهن صاحباتي ..
عللي بهرني بيك
وسمعتهن آهاتي

وعرفن بعشقي يا حبيبي ليك
ما تزعلش ..؟
لان رضاك
عندي
أهم شيء
وإن كان تزعل
لا نسألك
لا نقول راني شي
أهم شي عندي
هو رضاك علىّ
أهم شي ما تزعلش
لا تقول ما وقضتاك
وعالشرط ما قتلكتش
هكي أنا نبيك
وأصحى في يوم أتقوللي
راني زعلت عليك
أهم شي ما تزعلش
لأنك أعز أحبيب
وقلبك حنون وطيب
وحتى بعيد أقرب
وما عيب ريته فيك

ولا يوم هنت عليا
ولا يوم هنت عليك
أنعاود أنقول
وأنزید
طلبي الوحيد
نيك ماتعصبش
وعلي ما تزعلش
لأني أنحبك
وأهم شي ماتزعلش
* * *

متخيلك

متخيلك
في كل لحظة شارده
..طيفك إيطل أيجيني
ومع كل نسمة باردة
أتهب ريمتك تحييني
* * *

متخيلك
وردة ربيع..إتزهي النظر
ترسم أفراح أيامي
متخيلك
بسمة رضيع
بلون البدر
إتنور حياتي ف صحوقي واحلامي
ولمسة حنان منك أتمجي أئدفيني
وساعة إنشوفك
هم الحياه إتنسيني
ما هو إنت
إللي بسمتك
كيف السحر

وهمستك
قصيدة شعر
وبلسم شفاء إيداويني
هكي أنا متخيلك
* * *

الأمل عند الله

من غيركم في غريتي
مختار كيف إندير
في نبض قلبي حرقتي
ودمع العيون غزير
كما طير فاقد مسكنه ومطراحه
ناتفين ريشه كاسرين إجناحه
أسير الألم في قفص زاد اجراحه
فاقد أصدير حنون
كله موده وخير
فاقد حبيب ايوده
فاقد عزيز عند الطلب ما أيرده
فاقد رفيق الروح
اللي يحسبه وايعده
واللي إيدوره وقت الكدر والشده
يلقاه شهم كبير
ماهوش كيف الغير

* * *

في بعدكم ما نزهي
غابت ألوان حياتي

ومن غيركم ما نظرب
ودوم كاتره آهاتي
هكي زعم يا أيامي
بتكملي وتعدي
والا الهناء قدامي
ولفراح عندي إتهدي
وماعاد بالي إيجير

* * *

خلك يانفسي صابره
علي قد مانك قادرة
الأمل عند الله
والله عظيم كبير
كل من صبر كافاه
فرح وسعاده وخير

* * *

إنشد إمجرب

يقوى أرياف الشوق وين أنغيب
والعين ما اتبطل عليك نجيب
قال وصدق من قال
غياب الحبيب صعب
إنجلي الرضيع إيشيب
إنشد أجرب ماتسال طيب

* * *

تشتاق روحي ليك
وقلي ف صحوي دوم يرجى فيك
وحتى ف منام الليل نعلم بيب
غيابك علي داير أمعاي سريب

* * *

خليك ديمه إحداي
وماتغيه زولك علي يأمني
غياب طلتك راهي سبايب داي
وساعة أتجي جرح الرياف إيطيب

* * *

خلك أقريب مني
وماعاد تبعد يا حبيبي عني
ف بعدك علي كل الهواجس جني

والشوق دوب كبدي تدويب

* * *

ف غيا بك علي يا روحي
يجفل النوم ويقوى سطر أجروحي
وتهرب ف لحظه بسمتي وفروحي
بعدك حبيبي زادي تعديب
قال وصدق من قال : غيا ب الحبيب صعب
إججلي الرضيع إيشيب
إنشد أجرب ما تسال طيب

* * *

عتاب

من دون كل الناس
ما أنطبق لحظه إغياباك
يا بدر يا وناس
ليش تقفل عليا بابك
قبل نعرفك حساس
وكلك وفاء وإخلاص
ما تنسى ف يوم أحبابك
* * *

من دون كل البشر
قلي تعلق بيبك
وأجمل قوافي الشعر
بدمعي كتبتك فيك
ولجلك إيهون العمر
وترخص حياقي ليك
لو غدر الزمان يوم صابك
* * *

من دون كل الناس
ما إنطبق راني إغياباك
يابدر يا وناس

ما تنسى ف يوم أحبابك

يا طيب الأنفاس

يا رمز الوفاء والخلاص

ليش تقفل علينا بابك..؟

* * *

طيري

طيري يا عصفورة طيري
وين ماتبي إتحطيّ حُطيّ
بالك تلقى احبيب غيري
وتنسي ابحور غلاي وشطي

* * *

خايف بس اتولي ثاني
وما تلقيش مثيل أغصاني
ولا تلقى عِشّي وجناني
وتبقي عالجلين أتنتطيّ

* * *

قبل أتطيري وتنوي أتعدّي
نبيّ انقول أكليمة ليك
وكلتك يا أطويرة بيدي
وم النسمات أنخاف عليك
وغطيتك في الصقع بجردي
وديمة كنت أنتبع فيك
وتوة قبل أتطيري هدي
وقبل أتعدّي بنوصيك
ما تنسي أغصاني وأحضاني
يا عصفورة هذا شرطي ..

جرح الحبيب

جرح الحبيب
ياناس كيف بيبره
والجرح وسط العظم مش ف الهبره
بيي طبيب أيجبره
وبيي حكيم إيطبطب عليه ايصبره
وأيشاوخه عللي جري وانخبهره
وايقوله يكفيك دمع وعبره
* * *

جرح الحبيب صعب
من قسوته شعر الرضيع إيشيب
اصبر وخلي الصبر ليك طبيب
وإنكان ما صبرت
تلقى الألم والدبره
وكيف بيبرا ؟
والجرح وسط العظم مش في الهبره ؟
* * *

جرح الحبيب ماحره .. وين يطعنك بالغدر تحت الصره
ولغز الجرح ماحد يعرف سره
إلا اللي أمجرب وعنده خبره

جرح الحبيب إيطول
يقعد اسنين م البال مايتحول
كل ماتفكرته إيهوج إىغول
وكل يوم ناره زايد ف الكبره
وكيف بيبرا؟
والجرح وسط العظم مش ف الهبره؟

* * *

أوخي

أوخي حبيبي طلتك تحيني
موش عالوطا مكانك ف قلبي وعيني

* * *

موش عالوطا الحاجب
مقامك كبير عندي وحبك واجب
سواء الناس عاجبهم سواء مو عاجب
قدرك قداي هو اللي يعنيني

* * *

موش عالوطا فوق راسي
أنحطك وعمرى إيهون ياوناسي
ونهديك روحي ياعبير أنفاسي
لأنك أوخي ونور قلبي وعيني

* * *

موش فى الوطا فى قلبي
انحطك أنزىدك من غلاي وحي
ويشهد علي مانقول نبضي وربى
أمغير شوفتك ياخوي ما أيزهيني

* * *

إنت أوخي الغالي

أنت مكانك فوف عندي عالي
أنت فرحتي وزهوة حياتي وبالي
حبيبي أُوخي بسمتك تكفيني
* * *

موش عالوطا مكانك ف قلبي وعيني
حبيبي أُوخي طلتك تحييني
* * *

لهفتة أسبوع

اللي غلاه ف القلب كيف أنظاري ..
غايب عليا وعالنظر متواري ..

* * *

غاب الجمعة ..
خلى عيوني يدرفن بالدمعه ..
غيره وحيره ف خاطري مجتمعه ..
ليل ونهار توقد لهايب ناري ..

* * *

السبت ماكلمني ..
ولامسج ليا دزلي طمني ..
أنا أحبيي زعلان شوره مني ..
والا جفل ماعاد يبي داري ..

* * *

الأحد عدى زيه ..
راجيت مرسوله ايطل عليا ..
بالك إيطمني عليه اشويه ..
ماجاش شوشلي جميع أفكاري ..

* * *

بالك إيجي الأثنين ..

إنظمن ف قلبي وخاطري والعين ..
البابن نسي دابر أحباب آخرين ..
والا هجرني ما إيريد اجواري ..

* * *

قلت الثلاث إمر ..
والا أيجيني م الحبيب خبر ..
إيجلي إروريقي من شراب المر ..
إيروق خاطري ويسمع جديد أشعاري ..

* * *

يوم الاربعاء ماجاش ..
ورقمه علي النقال ما ألقيتاش ..
وسوس الخاطر قال موش بلاش ..
الغالي اللي عنده جميع أسراري ..

* * *

قلت الخميس إيجيني ..
بعد الغياب إيطفي أشواق حنيني ..
وبشوفته تزهي وتفرح عيني ..
ونسي عذابني ولوعتي وأمراري ..
لكن اللي نهواه زي أنظاري ..
لا جي ولابرد صهايد ناري ..

الي بينا

اللي بيننا راهو كبير كبير
يصعب عليها توصفه الكلمات
اللي بيننا عشرة وموده وخير
وسر الهوى في أقلوبنا
حتى أندسه تفضحه النظرات
ولحظة انكابر أترجمه النبضات

* * *

اللي بيننا لهفة رضيع
فاقد أصدير حنون
اللي بيننا نسمة ربيع
يعبق شدها إيفوح
وإيعم كل الكون
اللي بيننا في عيوننا مصيون
ياأحنينه ياسمحة الصيفات

* * *

اللي بيننا راهي محبه صافيه
تسري مع الأنفاس
وعالناس ماهي خافيه
زي البدر وناس
اللي بيننا أجمل مشاعر تنكتب بإحساس

عنوان حب نقي منقوش ع الصفحات
اللي بيننا وراسك كبير ماتوصفه الكلمات

* * *

اللي بيننا راهو إحساس غريب
أنا طول عمري ماعرفتش زيه
لو يوم عني يا حبيبي أتغيب
نبقى حزين وبسمتي مخفيه
اللي بيننا قصة غرام عجيب
قصه محبه صادقه ونقيه
قصة هوى عذريه
تعزف على أوتار القلب نغمات
اللي بيننا راهو كبير ماتوصفه الكلمات
وما نحملة ف أقلوبنا
أترجمه النظرات والنبضات
وساعة الحسره إيبان ف الآهات
وعند الوداع نلقوه ف الدمعات

* * *

اللي بيننا ماهو قصائد تنكتب ب حروف
أتزهي وتطرب كل من يقرأها
اللي بيننا لهفة أرياف وخوف
نفتح عيوننا م الحلم نلقاها

اللي بيننا من عند رب عطوف
ندعوه عند الفجر
وليه نرفعوا الكفوف
مايكون هلي بيننا
غية سحابه عابرة
وطهقة غلاء ونزوات
اللي بيننا راهو كبير ماتوصفه الكلمات
اللي بيننا حتى أندسه تفضحه النظرات
واترجه ف قلوبنا النبضات
وساعة الضيقه
إبيان في الدمعات والآهات

* * *

اللي بيننا ماهو روايه أمسطره ف أكتاب
عنوانها مكتوب فوق أغلافه
ولا هي حكاية بين زوز اصحاب
اللي بيننا بسمة أمل شفافه
اللي بيننا عشق وهوى غلاب
مجنون ليلي أيصح كنهو شافه
يجمع أثنين ماكيفهمش أحباب
في حب عذري لا إثم لازلات

* * *

اللي بيننا ما هو كلام وبس
ولا هو مشاعر زايغه تندس
اللي بيننا بقلوبنا ينحس
اللي بيننا روح ونفس
أن غابت علينا أنصير من الأموات
اللي بيننا أبلغ من الكلمات
واللي نحمله ف أقلوبنا أترجمه النبضات

* * *

طال انتظاري

طال انتظاري والأعصاب أنشدن
أنعد ف الدقايق طولن ماعدن

* * *

طال رجايأ..

ف مرسل نرجى من زويل غلايا
زعم باعني وطبق أخيام عزايا
وطير حمامي ف السمي ماردن

* * *

راجيت ماكلمني
ولامسج ليا دزلي طمني
ياهل ترى زعلان واجد مني
والا أقصور غلاي عنده أنهدن

* * *

قديش ماراجيته
هلي عشقته موت ساعة ريته
ياريت يعرف كم نا حبيته
وقديش ف غيابه أعزومي رqn

* * *

انراجيه لين إيجيني
اللي بشوفته تفرح وتزهني عيني

وتبرد صهايد لوعتي وحنيني
ويبرا إقليبي وكبدتي اللي أنشقن

* * *

طال أنتظاري والأعصاب أنشدن
انعد ف الدقايق طولن ماعدن

* * *

محمد عامر التميمي

الجرح جرحي

الجرح جرحي والسطير سطيري
وعصفورتى في عش واحد غيري
* * *

مايوم حست بيا
ولا يوم قالت وين غبت عليا
وهي تندري بالنار تاكل فيا
وقالت بملي الفم مانك طيري
* * *

هجرت ف لحظة وكري
وطارت بعيد نسيت أسماي وذكري
شالت الفرحة من إقليبي وفكري
وبجبر الحزن كتبت أحروف مصيري
* * *

ياريتني نساها
وننسى غلاها وعشقها وهواها
بيش أنتهني من عذابى أمعاها
وإنشيلها من دنيتي وتفكيرى

بسليمتك

بسليمتك
ماعاد راك أتهمني
مادام إنت هكي
بكل البساطه ختني
بسليمتك
ماعاد راك أشطني
ولاعاد عيني تبكي
حتى إن كان فارقتني
بسليمتك

* * *

مادام الوفاء ماهوش من صيفاتك
وغدر الغلاء منقوش في شيماتك
مانيش راني نادمه
ساعة هجرت هواك
وطويتها صفحاتك
ولحظة نسيت غلاك
وحرقتها إكتابابك
وقلي تأكد باليقين
إنك مراوغ

وللأسف ليك إسنين
مانك وفي
غدار ودوم تكذب علي
وبرخص الثمن
ف سوق الغلاء إنت بعيني
بسليمتك

* * *

دعاء بالدُموع

ساعة أناشفت الورود
تبكي حزينه فاقدة روعة شذاها العاطر
حسيت في لحظة شرود
بجتي أنا و حظي تعيس وعائر
سألت القدر
زعمه اللي عدى وراح إيعود..؟
وتبرأ أجروحي ما عاها تساطر..؟
رد قاللي
رب العباد وقت الكدر موجود
إيكافي اللي راضي بقضاه وصابر
طلبت الودود وقلت: ألطف بحالي يا كريم الجود
إستر عيوي ماليش غيرك ساتر
وأقبل دعايا ياربنا المغبود
دعوة أنا رددتها ودمع العيون قواطر

* * *

قالت ودعتك

د

د

" قالت ودعتك "

قالت ودعتك خليني
نبعد ممكن ننسى حبك
وأتجف الدمعة من عيني
لا نعدب قلبي لا قلبك

* * *

قالت ودعتك خليني
نبعد ممكن ننسى حبك
بالك تطفى أشواق حنيني
وربي ينور دربي ودربك

* * *

قالت ودعتك ياغالي
وطيفك ما فارقش عيوني
وما غبتش لحظة من بالي
أنا ليلي وأنت مجنوني
وفرحة عمري احداك وجنبك

* * *

قالت ودعتك مجبورة
نا فارقتك غصباً عني

وصورتك في قلبي محفورة
ما في لحظة غابت عني
ونحلم دوم أتعيش ف قربك

* * *

قالت ودعتك بدموعي
والحسره تملأ وجداني
وقلبي يبكي وسط أضلوعي
خائفة تهجرني وتحفاني
ونبقى أنغرد خارج سربك

* * *

قالت ودعتك انساني
عيش حياتك ياغاليا
خليني ف همي وأحزاني
مع قسوة ليام عليا
وحتى ودعتك وانعاني
بس يكفيني أنقول إنحبك
" قالت ودعتك "

* * *

إحساسى أنا

إحساسي أنا
روحك أحداي وجني
نا أنحسها
ف نبضي ودقة قلبي
يشهد عليا الله

* * *

أنحسك أمعاي تحكي لي
وعللي جري بيناتنا تشكيلي
وكل ما أنتكلم بالرضاء توميلي
وأنحس بأنفاسك وطيفك قربي

* * *

حتى بعيد الجسد
انفاسك أحداي إقريبه
مادامكم عالعهد
وكيف قبل نيتك طيبه
وروحك إتحوم ف سربي

* * *

حتى بعيد عليا

ف ظلمة الليل روحك أتونس فيا
وفجر الغلاء نلقاه باهر ضيه
وبدر الوفاء إينور سيلي ودري
* * *

نشعر أنا
بروحك أحداي وجني
أنحس بالهوى
ف نبضي ودقة قلبي
* * *

ياقلب يامجروح
روحي أنا تزهي ف قرب الغالي
واللي سأل عالروح
عرف سرها عند الكريم العالي
ياقلب يكفي موح
مادام سرالروح مايعلمه الا ربي
إحساسي أنا
روح الإحبة جني
وإنحس بالغلاء
ف نبضي ودقة قلبي
يشهد عليا الله

مانك صدفت

متاح للتحميل ضمن مجموعة كبيرة من المطبوعات من صفحة
مكتبتي الخاصة
على موقع ارشيف الانترنت
الرابط

https://archive.org/details/@hassan_ibrahem

مانك صدفه والسلام
ولانك حلمة في منام
قدرك والله كبير
يصعب وصفه بالكلام

مهما نوصف حي ليك
ومهما نتكلم عليك
نعجز والله نعطيك
حقك يا عالي المقام

إنت ما كيفك مثيل
ولا زيك نلقى خليل
إنت في دربي سبيل
إنت أشموعي ف الظلام

إنت الغالي اللي نهواه
ويرخص عمري في سباه
اللي في الطيقه نلقاه
أنكان غدرت بيا ليام

إنت يا أغلى حبيب
دعته من قلبي قريب
إنت لوجاعي طبيب
يشفى دايما ولو هام

* * *

إنت يا غالي عليا
إنت من ربي هديه
إنت نسمة في عشية
إنت عشقي والغرام

* * *

سبحان ربي

سبحان ربي حط فيك حلاوه
تحلف عسل نحلي مع بكلاوه

* * *

أتقول أكنافه
يا حساس مرهف زينك ولطافه
كوكتيل منجا وخوخ والجوافه
أنا ناس فايح من جزيرة جاوا

* * *

حط فيك سماحة
وأخدود وردية كما التفاحة
وأتهب نسمتك كيف المسك فواحة
تنعش إقليبي م المرض يداوه

* * *

حط فيك جمال
وطلعه بهية وحسن فيه كمال
رزانه ورجاحة عقل وزين أفعال
تواضع وخشية ربنا وهداوه

* * *

حط فيك وسامة

مع الزين سيره طيبه وشهامة
صدق ومودة كاملة وكرامة
عندك معزه وفي القلب غلاوه

* * *

سبحان ربي حط فيك حلاوه
تحلف غسل نخلي علي بقلاوله

* * *

جميل السيرة

إنت الوحيد إلقيتك جميل السيره
وماأنريد ف الدنيا إحييب غيره

* * *

إنت الوحيد حبيبي
إنت هديتي ونزهتي ونصبي
وبلسم أجروحي ف دنيتي وطبيبي
إيداوي آلامي ساعة التكديره

* * *

إنت اللي شاكيته
وفي محنتي واقف معاي القيته
اقلبيه حنون من يوم مالاقيته
واللي نطلبه منه بود أيديره

* * *

كلك وفاء و حنيه
وطيبة وشهامة وود مافي زيه
ومايوم درت امعاي ذرة سية
دوم مبتسم ماتعرف التكشيره

* * *

ميات خالطناهم

غدر وخديعة وين جربناهم
ويوم ماعرفنا عيارهم شلناهم
من بالننا وماعاد ليهم سيره

* * *

إنت الوحيد ومافیش واحد غيره
إلقيتك حنون وشهم سمح السيره
وغيرك نفاق وغدر..حسد.. وغيره
أنت حبيبي بس حلو السيره
ومادرت ف الدنيا إحييب غيره

* * *

حكاية غريبه

خطيت بحروف الهوى
حكاية غلاء
وقصة غرام عجيبة
قصة محبة صافية
فيها العواطف دافية
من دون شك وريبه
حكاية أرواح تلاقت
قصة أقلوب أشاكت
ماهيش قصة من قصص ألف ليله وليلة
ولامن حكايا عمنا الجاحظ وابن المقفع ودمنه وكليلة
ولا هي من حكايات البدع والفن
وسندباد وعلي بابا وعلاء الدين والعفاريت والجن
حكاية هوى عذري
حكاية قدرها وقدري
حكاية
ولا ف الخيال
حكاية غريبة
عاودتها ودونها في لحظة صفاء
وكتبتها بحبر الوفاء

وسجلتها ف موسوعة جينز
وسميتها حكاية غريبه
حكاية غرام
عشق وهيام
قصة عجيبة
حبيب وحبيبه
قصة ولا في الخيال
ولا الأفلام
حكاية إثنين
عقال ومجانين
حبو بعضهم من بعيد
يسري غلاهم ف الوريد
ماحد قابل حد
ومايد لمست يد
وقلوبهم تنبض بحب وود
طاهر عفيف شريف
يصعب علي التوصيف
مافيه ذرة ريبة
حكاية غريبة
حكاية أحبه مايعرفوش العيبة

يا حظي

خيرك يا حظي متردي
يوم أمعاي وعشره ضدي
* * *

ليش إمتعيني
ف بحور العازة أمسيني
متباعد عني أمعدبني
من الفقر جيوبي بتصدي
* * *

ليش أمعاندني
وبسوطك ديمة جالدي
وراسك ساعدني
روف عليا وخود بيدي
* * *

روف بحالي
إنت عارف همي وموالي
متملح وإقليل والي
والدمعة ماتفارق خدي
* * *

خليك إحنين

كون أمعايا رطب ولين
ومره مره طل وبين
بيش يهرب همي وأيعدي

* * *

تبسم يا حظي يكفيك
عذاب ف واحد عاشم فيك
والطف بيا عيب عليك
إني متبهذل واصل حدي

* * *

عندك علم

"عندك علم ..؟"
عندك علم ما كيفك حبيب
ولا حبيت زيك ياملاك
وأنت بس من قلبي قريب
وباقى البشر ياغالي فداك
عندك علم وين تبعد إتغيب
الجثة امعاي وأقلبي إحداك
عندك علم ما انبطل نخب
نبكي دوم من شوقي وهواك
أنت بس ياغالي طيب
إيداوي داي ماعندي سواك
عندك علم نا نبقى غريب
بين الناس لو نخسر غلاك
حياتي اتصير زي عيشة عزيب
لو في يوم قالولي نساك
وطعم الشهد وحلاوة زبيب
عندي العمر لو عشته معاك
عندك علم ياأغلي حبيب
موتي خير من عيشة بلاك
عندك علم ..؟

كيف حالك

ني نتصل بنقولك كيف حالك
للأسف كنت قافله نقالك

* * *

ني أنقولك كيفنك
متوحشك ننشد ونسأل عنك
مشتاق نسمع بس كلمة منك
لكن البايين ماخطرنا ف بالك

* * *

ني نتصل نحكيلك
عن قصتي وحكايتي بنرويلك
لأنك وفيه مالمقيت مثيلك
ولاريت في دنيا الجمال جمالك

* * *

ياريت تفتحي محمولك
بيش تسمعي قولي ونسمع قولك
إنت تعرفي زاهو صعب أوصولك
وساعة إتغيبي لا محالة هالك

* * *

ليش تققلي ياغالية ف نقالك
انا بس ني أنقولك كيف حالك؟

ردي سلامي

" ردي سلامي "
ردي سلامي ردي
إني عاشقك من جدي
ردي وراسك ردي
لا تهجري ولا اتصدي
* * *

ليش تهجري وإتسييني بروحي
وإنت تعرفي إنك حياتي وروحي
وبلسم يداوي لوعتي وجروحي
وساعة إتغيبي دمعتي على خدي
* * *

ليش تهجري إتخليني
سهران طول الليل تدرف عيني
نبكي عليك أنقول ليش إنسييني
اللي اشتقتله وم الشوق فايت حدي
* * *

روفي بحالي
خلك حنونة كيف قبل وتالي
انا قبل عندك يا حبيبه غالي

شن غيرك تنسي غلاي وودي

* * *

ردي سلامي ردي

لا تهجري

لا تصدي

* * *

حليبي

حبيبي حبيته بجنون
سماحة لون
ونظراته تسوى هالكون

* * *

حبيته بهبال
اللي زوله ديمة ف الببال
مادرتش زيه موال
ولانلقى كيفه مرهون

* * *

انا اخترته حيي
وخبيته جوه في قلبي
نطلب من ربي
يخليلي بوقليب حنون

* * *

حبيته موت
غلاه وجبه فات الخوت
درته لروحي زي القوت
وجبه ساكن ف المكنون

* * *

حييته بجـد
اللي كيفه ماريتش حد
طهاره وعفة وطيبه وود
وعند العوزه عينه وعون

* * *

عشقتـه وحييته
من قبل أنشوفه لاريتـه
وساعة لاقيتـه
هويته وعشقتـه بمجنون

* * *

حبـيت أسـماه
ونزهي وين أنكون أحـداه
حبيي مغلاه
انا بحبه راني مفتون

* * *

حبيي حبيته بمجنون
سماحة لون
وحبه عندي ردع الكون.

* * *

خبر عاجل

نبعث خبر عاجل وعاجل جداً
شایل إرياف وشوق ماينعدن

* * *

شایل مشاعر قلبي
ويحكي علي شوقي وغلاي وحيي
إيقول الخبر عندك دواي وطبي
وأقصو عشتقي من هواك أنهدن

* * *

نبعث خبر تلقاه في الجزيره
بالك أيطفي لوعتي والحيره
وترأف بحالي يا جميل السيره
وأيام فرحي إيعاودن وأيردن

* * *

تلقاه في العربية
خبر حسرتي وكل شي صاير فيا
يا ريت تسمعه بالك إتروف عليا
أيتمن أحزاني والأفراح إبيدن

* * *

نبعث خبر نشكيلك

علي ماجرالي ف الغلاء بنحكيلك
بالك بعد تسمع أيجن أزويلك
وأبواب القطيعة بينا ينسدن
* * *

نبعث خبر عاجل وعاجل جدا
شاييل أرياف وشوق ماينعدن

* * *

نساي العشره

كيف أتهون عليك العشرة
وتنسى يازين غواليك
وأنت الفرحة ل قلبي و بشرى
وتزهي إعيوني وين إتريك..؟

* * *

كيف تنسى العشرة خبرني
وإحكي لي كل اللي صار
أبعادك يازين إبحرني
إمخيلي إقليبي في نار
يا ريتك بس اتفسرلي
كيف العشرة أتهون عليك..؟

* * *

خبرني ماأندس عليا
ماتخلينيش ف دوامه
بعدك راهو إيعذب فيا
وصمتك زاد القلب أوهامه
راني يازين غواليا
طول الليل أنفكر فيك..؟

* * *

خبرني وراسك صارحني
خيرك متغير ناسيني
قول اللي ف بالك ريحني
هجرانك راهو أمبكييني
أنكني غلطانه سامحني
واطلب عمري نا نعطيك؟
* * *

ما تصدقش كلام الناس
انا ما عندي أحبيب غيرك
واطردي يازين الوسواس
من وسط البال وتفكيرك
إنت تاج إنخطه عالراس
وقلبي وروحي بين إيديك
وكيف إتهون اليوم العشره؟
وتنسى يازين غواليك؟
ونا دايرتك فرحة وبشرى
وما تزهى العين إلا بيبك
كيف إتهون عليك العشره؟
وتنسى ياسمح غواليك؟
* * *

قسم ونصيب

لا تزعلي مني ولا تلوميني
قسم ونصيب يانور قلبي وعيني
* * *

مكتوب ربي راده
يقسى علينا القدر يا وداده
خلي شرابي مر طعمه ساده
ونوم الهني إيجافيك وإيجافيني
* * *

مالك علي ملام
هكي قست ياغاليه لقسام
وحكمت علينا قسوة الأيام
أنشوفك ف عش الغير وأنشوفيني
* * *

مافيش كيف الصبر
علي حكم صادر من إله القدر
وبعد ما أنكتب حكمه وجف الخبر
ني أنودعك وياريت ماتسيني
..ونبقوا أحباب اصحاب

أحباب أصحاب
أوخيين
لا يووووم لآخره

* * *

حلم

البارح منامي جاب زول حبيبي
زهوة البال وفرحتي ونصبي

* * *

قعمز أحداي وجني
حضنته توحد نبض قلبه وقلبي
سقيته رويته من مناهل حي
طفن أنفاسه لوعي وتعديبي

* * *

شفت فرحته ف أعيونه
وبسمه بلون الثلج ريت أسنونه
سبحان من صور جماله ولونه.
أغويلي سكن تربع ف وسط إقليبي

* * *

مسكت إيديه إيديا
شعرت بحنانه ولهفته غاليا
وشوقه اللي دسه أسنين عليا
وساعة بكى عرفته صحيح حبيبي

* * *

لكن اللي بكاني
وطيّر الفرحه ف الكدر خلاني
وشقلب حياتي ودنيتي وكياني
ساعة قفزت م الحلم وزاد نحبي
* * *

البارح منامي جاب زول حبيبي
زهوة البال وفرحتي ونصبي
* * *

وصف الحبيب

وصف الحبيب
قوافي الشعر قالتلي صعيب
نلقوا وصف لايق بالحبيب
جماله فاق أوصاف البشر
حسنه فات شطحات السحر
لا كيفه شمس لا زيه قمر
ممكن بس من يوسف قريب
قوافي الشعر قالتي صعيب
نلقوا وصف لايق بالحبيب

هنا يوسف اللواتي

متاح للتحميل ضمن مجموعة كبيرة من المطبوعات من صفحة

مكتبتي الخاصة

على موقع ارشيف الانترنت

الرابط

https://archive.org/details/@hassan_ibrahem

الفهرس

محمد يوسف اللواتي

هـسـا بـرسـفـ (الـمـوسـى)

مـتـاح لـلـتـحـمـيـل ضـمـن مـجـمـوعـة كـبـيـرة مـن المـطـبـوعـات مـن صـفـحـة
مـكـتـبـتـي الـخـاصـة
عـلى مـوقـع اـرـشـيـف الـانـتـرنـت
الـرـابـط

https://archive.org/details/@hassan_ibrahem

محمّد يوسف اللواتي

الإهداء
نحمد ربي
طعم الحياة
صفاء النية
هذا العشم
طيف أُمي
أهم شي ما ترعّش
متخيليك
الأمل عند الله
إنشد مجرب
عتاب
طيري
جرح الحبيب
أوخي
لهفة اسبوع
اللي بينا
يحلى السهر ف الليل
طال انتظاري
الجرح جرحي
بسليمتك

دعاء بالدموع
قالت ودعتك
إحساسي أنا
مانك صدفة
سبحان ربي
جميل السيرة
حكاية غريبة
يا حظي
عندك علم
كيف حالك
حيبي
خبر عاجل
قسم ونصيب
حلم
وصف الحبيب

محمد يوسف اللواتي

محمد يوسف اللواتي


خبر عاجل

نبعث خبر عاجل وعاجل جداً
شايل إرياف وشوق ماينعدن

شايل مشاعر قلبي
ويحكي علي شوقي وغلاي وحبي
ايقول الخبر عندك
دواي وطبي
وقصور عشقي من
هواك أنهدن

مها يوسف (المرتب)

5..000



9 789959 839688